



## Universitätsbibliothek Paderborn

### **Domus Æternitatis**

Reserata, Et Ad Ingrediendum Quotidie Memorïæ cogitationibus,  
Intellectûs considerationibus, ac voluntatis affectibus Aperta ; Serviet  
quoque pro Concionibus; uti & pro Exhortationibus, in Agoniae Domini  
Sodalitatibus

**Dirckinck, Johann**

**Coloniae Agrippinae, 1713**

16. Globus ferreus symbolum quartum æternitatis.

[urn:nbn:de:hbz:466:1-50597](https://nbn-resolving.org/urn:nbn:de:hbz:466:1-50597)

## CONSIDERATIO XVI.

## IV. Symbolum æternitatis.

Globus ingens ferreus.

*Usque in æternum. Psal. 27.9.**15. Februarii.*

I. **P**ER DOMINUM tenebrosam, pedetentim incedendum est, ac parietes palpandi, ne impingamus. Domus æternitatis caligine obsepta est, nunquam intellectui humano sat penetranda, ideoque per symbola & umbras, per arenulas & guttas, per characteres & numeros eam ruditer delineamus: quibus nunc grandem globum ferreum appingimus.

II. Creet itaque Divina omnipotentia globum ferreum, huic nostro terræ globo, magnitudine parem, dicatque damnato cuiquam, v. g. Diviti Epuloni, aut Judæ: Hunc globum, tu, in resumpto corpore, tamdiu obambulando & circumcurfitando pedibus tuis teres, donec totus attritus sit, ac penitus consumptus.

III. Nec existimes hoc impossibile: vidisti enim in vita tua, in cœmiteriorum

130 *Domus aternitatis. Consideratio*  
aditu, crates ferreas, crebro transitu, cultros crebro usu, equorum soleas frequenti cursu paulatim atteri; sic & globus iste paulatim attereretur. Verum eheu! quot annorum myriades labentur, quot milliones ævorum ac sæculorum, antequam ejusmodi globus, plane atteratur?

*Affectus horroris.*

**H**Orresco, Domine, & expavesco ad tantorum sæculorū multitudinem! O si hæc mihi cum Damnatis transigenda forent, quàm longa, quàm acerba acciderent? Ne id fiat; statuo sæpe æternitatem & felicem & miseram mente revolvere: statuo ejusdem memoriam refricare, & si non perpetuò, creberrimè saltem ( quantum vires corporis & animi sinunt) de ea cogitare; & cum Davide annos æternos, omni momento, viciniùs mihi appropinquantes, totisque passibus accelerantes, in mente habere, ne peream. Dixi nunc cœpi. *Adjuva me Domine Deus, secundum misericordiam tuam.* Psal. 108. 26.

## 16. Februarii.

I. **C**onsidera ulterius, quot annorum millibus circumcursaturus esset Damnatuſ, antequam ex hoc globo, unius cultri crassitiem detereret? Quot requirerentur sæculorum milliones, antequam, circumquaque vel unius pedis aut ulnæ crassitiem ambulando abraderet?

II. Quot sæculorum præterlabentur myriades, antequam duarum, trium, aut quatuor decempedarum, quot antequam unius miliaris germanici, spatium; quot antequam centum aut mille miliarium, quot antequam globum totum atterendo consumeret?

III. Ah! stupeo & expavesco; ac simul video, quòd nec horæ, nec dies, nec hebdomades, nec menses, nec anni, nec lustra, nec olympiades, nec indictiones, nec jubilea, nec sæcula, nec anni platonici, nec tardissimi sphaeræ octavæ motus, quantumvis multiplicentur, ullatenus numerum æternitatis exhauriant. *Quia non erit finis.* Cesset igitur Geometrarum calculus; quiescat Arithmeticorum nu-

132 *Domus æternitatis. Consideratio*  
merus, omnis enim calculationis labor  
frustraneus est, cum æternitas omnem  
numerum infinitè superet.

*Colloquium.*

**E**T hæc adeò longa æternitas, anima  
mea, sive de ea cogites, sive non co-  
gites, venit tibi. Sive tractes spiritualia &  
Deo placita; sive mundana & mala, ac  
Diabolo grata, æternitas nihilominus  
venit tibi, actionibus tuis condigna.  
Quàm sapienses, si inter omnes labores  
& curas tuas, æternitas tibi assiduè vol-  
vatur in mente; quæ cursoris instar fe-  
stinè tibi appropinquat; ut ad æterna cœ-  
li bona famem ac desiderium in te exci-  
tet, ubi Dominus Deus, est corona spei,  
*qua est ornata gloriâ preparata vincenti-  
bus. Famelicorum æterna satietas, danda  
esurientibus, consolatio sempiterna, con-  
solationem hujus mundi, præ divina, con-  
temnentibus. S. Aug. Solil. c. 22.*

*17. Februarii.*

**I.** **S**Ed ascendamus altiùs. Conterat  
Deus, omnipotentiâ suâ, antedi-  
ctum vastissimum terræ globum, in pul-  
viscu-

visculos minutissimos, quales ex auro, argentove abradunt Auritrabri: deinde tot novos creet globos ferreos, magnitudine huic mundo æquales, quot numerantur minuti atomi seu pulvisculi. Post hæc Deus jubeat Damnatum pari, quo dictum est, modo, omnes & singulos hosce globos, ordine, ambulando & currendo atterere, nec cessare antequam omnes consumantur.

II. O quando tandem hujus cursitationis foret finis? Quando nam tandem tot innumerabiles tantæ molis globi penitus attererentur & contererentur? stupet animus, hæret lingua, obmutescit vox. Quia videri potest hæc, quasi longissima quædam æternitas. Sed tamen, certo certius, tandem, tandem, omnium istorum globorum, attritionis & consummationis daretur finis.

III. Et si Deus, damnatis nuntiaret, illos tunc fore liberandos orci incendiis, cæloque inferendos, ô quanta illorum foret lætitia! quanta consolatio! quanta exultatio! Sed frustra omnia: omnis quippe spes liberationis in perpetuum est

134 *Domus aternitatis. Consideratio*  
est præcisa. Beatitudinis præmio semel  
exciderunt, actum est, æternum perie-  
runt. Sententia Judicis est irrevocabilis,  
& in inferno nulla est redemptio, nulla,  
nulla.

*Admiratio.*

**O** Domine! justitia tua sicut montes  
Dei: *Judicia tua abyssus multa.* Psal.  
35. 7. *A, a, a Domine Deus, ecce nescio*  
*loqui, quia puer ego sum.* Jerem. c. 1. 6.  
Et tantam æternitatis durationem non  
capiro. Capiam tamen & experiar ali-  
quando, certò; vel in cœlesti gloria; vel  
in inferni pœna: sed in qua? Tu nosti,  
Domine Deus, parce mihi & miserere.  
O æternitas quando, & qualis advenies  
mihi? O qualem me invenies? qualem  
te inveniam? O quid curo, si beatam æ-  
ternitatem non curo? O quid in-  
curro, si æternitatem maledi-  
ctam incurro?



CON-